

Kapya môᶇ atu ba Pol hato hi Tesalonaika Abô môᶇ

Tesalonaika ma malak bêᶇ hamô ᶇᶇwêk daᶇ. Avômalô loᶇ êᶇ ma hatôm 200,000. Plovins Masedonia iniᶇ gavman êmô Tesalonaika ba eyabin plovins.

Pol bôk hawa Abô Mavi ba hi Tesalonaika, ma doᶇtom ᶇê Islael doho leᶇiᶇmaniᶇ. Ba intu hasôv ba hi Belia vêm ma hi Atens vêm ma hi Kolin (Ap 17-18). Yani hayô loᶇ êᶇ ma hato kapya êntêk hadêᶇ avômalô Tesalonaika. Yani bôk hamô havin avômalô Tesalonaika sawa bidoᶇ ma hatak i kethêᶇ ba hi ba intu hato ek embatho iniᶇ êvhavin loᶇ ek nimiᶇ lôklokwaᶇ esak malain. Ma hato abô hathak Wapômbêᶇ anêᶇ lahavin takatu ba nêmo lo nembêᶇ esak lôk malêla takatu ba tem êpôm ᶇê êvhavin takatu ba bôk ema hadêᶇ waklavôᶇ atu ba Yisu miᶇ halêm pik ami denaᶇ.

Êntêk ma Pol anêᶇ kapya môᶇ atu ba hato hi ek thêlô hadêᶇ 51 AD la.

Pol hêv lamavi

¹ *Ya Pol ma Silas lo Timoti ato kapya êntêk hadêᶇ môlô avômalô ôêvhavin takatu ba ômo havin Kamik Wapômbêᶇ lo Anyô Bêᶇ Yisu Kilisi anêᶇ Tesalonaika.

Wapôm lôk labali êmô imbiᶇ môlô.

* **1:1:** Ap 17:1-9

Pol lamavi hathak avômalô Tesalonaika iniņ êvhaviņ

² Wak nômbêņ intu sapêņ ma yêlô aêv leņiņmavi hadêņ Wapômbêņ hathak môlô sapêņ ba atenį mek ek môlô ma miņ atak ami.

³ *Yêlô amô alalôaniņ Kamik Wapômbêņ thohavloma ba leņiņhabi môlônim ôêvhaviņ anêņ ku lôk lemimhaviņ avômalô ba ôêv i sa lôk ôêv malemim ek alalôaniņ Anyô Bêņ Yisu Kilisi anêņ waklavôņ endelêm ba umiņ lôklokwaņ.

⁴ Aiyaņ thêlô, Wapômbêņ lahaviņ môlô ba yêlô ayala nena bôk halam môlô yôv ek numbitak yani anêņ

⁵ *ek malê nena môņ anôņ ma yêlô aêv Abô Mavi hadêņ môlô ma miņ halêm hatôm abô oyaņ ami. Mi, halêm haviņ lôkliņyak lôk Lovak Matherį ma kapôlôņiņ anôņ. Ma môlô oyala kobom takatu ba yêlô bôk adum amô môlô malêvôņ ek hêv môlô sa.

⁶ *Wak êņ ma môlô ôpôm malaiņ lomaloma, ma doņtom owa abô takatu thô lôk kapôlômim mavi atu ba halêm anêņ Lovak Matherį. Udum aêņ ba intu osopa yêlô lôk Anyô Bêņ veņiņgwam.

⁷ Êņ ma hatôm môlô uik loņôndê mavi thô hadêņ avômalô êvhaviņ sapêņ anêņ plovins Masedonia lo Akaia.

⁸ Ma anêņ môlô ma Anyô Bêņ anêņ abô hi yaiņ ba halaņ hatôm lavuak hêk Masedonia lo Akaia. Ma doņtom miņ hamô loņ êņ iyom ami. Mi, avômalô pik sapêņ elañô abô hathak môlônim ôêvhaviņ

* **1:3:** 1Ko 13:13; Kol 1:4-6 * **1:5:** 1Ko 2:4-5 * **1:6:** Ap 17:5-9

Wapômbêḅ. Aêḅ ba yêlô a loḅ buyaḅ ma thêlô bôk elañô yôv.

⁹ Ma enañ nena môlô owa yêlô thô mavi anôḅ ba otak unim ḅgôk ma ole am liliḅ ek udum Wapômbêḅ avanôḅ atu ba hamô lôkmala anêḅ ku.

¹⁰ Lôk oyabiḅ anêḅ Nakaduḅ atu ba bôk hik liḅ hêk ḅama. Yisu tem êlêm anêḅ leḅ ek nêḅ alalô vê êḅḅêk waklavôḅ lamaniḅ atu ba tem imbitak embeḅ yam.

2

Pol anêḅ ku takatu ba bôk hadum hêk Tesalonaika

¹ Aiyaḅ thêlô, môlô oyala nena yêlô bôk ayô amô haviḅ môlô ma miḅ aêv yak ami. Mi, ku êḅ hik anôḅ.

² *Ma môlô oyala nena yêlô bôk awa vovaḅ lôk mama hêk Pilipai. Vêḅ ma yêlô atak Pilipai ba a môlônim loḅ ma Wapômbêḅ havatho yêlô loḅ ba hêv yêlô sa ek miḅ nakô esak ḅê lôklokwaḅ takatu ba imiḅ yêlô loḅ siḅ ami. Aêḅ ba intu anaḅ Wapômbêḅ anêḅ Abô Mavi hadêḅ môlô.

³ Abô takatu ba yêlô asoḅ môlô lokwaḅ miḅ halêm anêḅ auk lokbaḅ lôk auk lôḅgôlôḅ ma adum ek nasau môlô ami.

⁴ *Mi anôḅ. Wapômbêḅ bôk hayê yêlô nena hatôm ba intu hatak ku nanaḅ anêḅ Abô Mavi bêḅ halôk yêlô baheḅiḅ. Aêḅ ba yêlô miḅ anaḅ abô ek indum avômalô leḅiḅmavi ami. Mi, yêlô adum ek indum Wapômbêḅ atu ba hatitiḅ yêlô kapô mavi.

* 2:2: Ap 16:19-24; 17:1-9 * 2:4: Gal 1:10

⁵ Mólô oyala nena yêlô miñ anañ abô ek nadôk mólô lemim mena nasau mólô ek naja mólônim nômlate ami. Mi anôñ, Wapômbêñ da hamô ba hayê yêlô.

⁶ Ba intu miñ adum ek mólô mena avômalô la nebam yêlô ami.

⁷ Yêlô ma Kilisi anêñ aposel ba intu hatôm naten mólô ek nônêm yêlô sa. Ma donjom dô, yêlô bôk amô labali mavi haviñ mólô hatôm avi te hayabiñ anêñ nali.

⁸ Sêbôk ma yêlô leññhaviñ mólô bêñ anôñ ba intu yêlô leññmavi ba aêv Wapômbêñ anêñ Abô Mavi hadêñ mólô lôk yêlô aêv yêlôda haviñ ek malê nena yêlô leññhaviñ mólô bêñ anôñ.

⁹ *Aiyañ thêlô, lemimimbi ku takatu ba yêlô bôk adum amô haviñ mólô. Yêlô amô ek anañ Wapômbêñ anêñ Abô Mavi, ma donjom wak lo bôlôvôñ ma adum ku bêñ haviñ ek napôm nôm nanğañ ek nêm leññkupik sa. Yêlô adum aêñ ek miñ nanêm malaiñ te êndêñ mólô ami.

¹⁰ Mólô lôk Wapômbêñ oyala nena yêlô bôk adum kobom mathen lôk thêthôñ ma kambom mi hêk avômalô malenñ hadêñ mólô avômalô takatu ba ôêvhaviñ.

¹¹ *Ma mólô oyala nena yêlô bôk adum hadêñ mólô tomtom hatôm lambô hayabiñ nali.

¹² Ba asonj mólô lokwanj lôk athô mólô ba aya ma aêv auk mavi ek nômô êtôm Wapômbêñ anêñ lahaviñ. Yani ma ôpatu ba halam mólô ek nômô anêñ loñ lôklijak lôk lôkmanğij kapô.

* **2:9:** Ap 20:34 * **2:11:** Ap 20:31

13 *Ma yêlô athak anañ leñjı̄mavi hadêñ Wapômbêñ hatôm wak nômbêñ intu hathak yêlô bôk anañ Wapômbêñ anêñ abô hadêñ mólô ba olañô ba ôêvhaviñ nena abô êñ ma Wapômbêñ da anêñ abô, ma miñ nosoñ nena anyô late anêñ abô ami. Mi, abô êñ ma halêm anêñ Wapômbêñ ba hadum ku hamô mólô ñê ôêvhaviñ kapôlômim.

14 *Aiyañ thêlô, mólô bôk owa vovañ hatôm Wapômbêñ anêñ avômalô anêñ İslael takatu ba êvhaviñ Yisu Kilisi. Mólô da unim avômalô bôk êv vovañ hadêñ mólô hatôm avômalô İslael bôk êv hadêñ iniñ avômalô takatu ba êvhaviñ Yisu.

15 *Avômalô İslael êñ bôk ik Anyô Bêñ Yisu lôk plopet pôpônô ma êv yêlô vê haviñ. Wapômbêñ miñ lamavi hathak thêlô ami, ma thêlô ethak êpôlik ek avômalô pik sapêñ

16 ba idum ek nimiñ yêlô loñ siñ ek miñ nanañ Wapômbêñ anêñ abô êndêñ ñê loñ buyañ ek Wapômbêñ nêm thêlô bulubiñ ami. Ba intu thêlôniñ kambom hathak halumbak ba Wapômbêñ anêñ lamaniñ lêk hayô hamô i yôv.

Pol lahiki ek ênjê avômalô Tesalonaika

17 Aiyañ thêlô, bôk êv yêlô vê hêk mólô vauna ba abitak hatôm avômalô baloñ, ma doñtom yêlô kapôlôñiñ hamô haviñ mólô denañ. Ba intu yêlô leñjı̄hiki bêñ anôñ ek nagê mólô, lôk adum lôklokwañ ek nasôk esak loñbô.

18 Yêlôaniñ auk lôklokwañ ek nasôk nagê mólô ma ya Pol yahadum lôbôlôñ ek yasôk, ma doñtom Sadañ hamıñ yêlô loñ siñ.

* 2:13: 2Te 2:13

* 2:14: Ap 17:5

* 2:15: Ap 9:23,29; 13:45,50;

14:2,5,19

19 *Malê te intu tem indum yêlô maleniņ mavi lôk leņiņmavi lôk êtôm kulunĵ kêkêlô atu ba nêma athêņ bêņ êndêņ yêlô ênjêk Anyô Bêņ Yisu thohavloma êndêņ waklavôņ endelêma? Môlô iyoma!

20 Avanôņ, môlô ma yêlôaniņ lôkmaņiņ lôk leņiņmavi anôņ.

3

Pol hêv Timoti hi Tesalonaika

1 *Bôk yêlô leņiņmalaiņ hathak môlô ba miņ hatôm nayabiņ sawa daim ami. Ba intu yêlô leņiņhabi nena yai iyoma namô Atens

2 *ma nanêma Timoti êsôk. Yani ma yêlôaniņ aiaņ ba yêlô lôkthô ma Wapômbêņ anêņ ŋê ku haviņ i ek anaņ Kilisi anêņ Abô Mavi bêņ. Yêlô êv yani ek embatho môlô loņ lôk êsô môlô liņ esak unim ôêvhaviņ

3 *ek malaiņ lomalama miņ imbuliņ môlô ami. Môlô bôk oyala yôv nena Wapômbêņ bôk hatak malaiņ takêņ ek êpôm alalô takatu ba aêvhaviņ.

4 Sêbôk atu ba yêlô amô haviņ môlô ma anaņ lôbôlôņ nena tem alalô naja malaiņ lomalama. Ma môlô oyala nena nôma takêņ lêk habitak yôv.

5 Ba intu miņ hatôm yêlô namô sawa daim ami ba yahêv Timoti hathôk ek ênjê môlônima ôêvhaviņ. Yakô ek anyô halôk avômalô leņiņ atu* esau môlô ba yêlôaniņ ku takatu ba aduma hathak môlô tem imbitak êtôm nôma oyaņ.

* **2:19:** Plp 2:15-16; 4:1; 2Te 1:4 * **3:1:** Ap 17:15 * **3:2:** Ap 16:1-3 * **3:3:** 2Ti 3:12 * **3:5:** Anyô êņ ma Sadaņ.

Timoti hêv Pol thêvô hathak Tesalonaika iniņ êvhaviņ

⁶ *Ma lêk Timoti hatak môlô ba halêm hathak loņbô ma hawa abô mavi hathak môlônim ôêvhaviņ lôk lemimhaviņ. Yani hanaņ nena môlô othak lemimhabi yêlô lôk lemimmavi. Ma lemimhaviņ lôklokwaņ ek ôņgô yêlô ma yêlô aêņ iyom.

⁷ *Ba intu aiyaņ thêlô, môlônim ôêvhaviņ hêv yêlô thêvô hathak malaiņ lôk vovaņ lomaloma takatu ba hapôm yêlô.

⁸ Êņ ma yêlô ayala nena môlô umiņ lôklokwaņ hathak Wapômbêņ ba intu hadum yêlô amô lôkmala hathak loņbô.

⁹ Ma yêlô abôi ba leņiņmavi anêņ dôêņ hathak môlô hêk Wapômbêņ ma ba intu miņ hatôm nabam leņiņmavi êņ katô êndêņ Wapômbêņ ami.

¹⁰ Wak lo bôlôvôņ ma yêlô ateaņ mek lôklokwaņ ek nasôk nagê môlô lôk nanêm môlô sa esak nôm takatu ba mi denaņ ek unim ôêvhaviņ injik lôkanôņ.

Pol hateņ mek hathak avômalô Tesalonaika

¹¹ *Alalôaniņ Kamik Wapômbêņ da lôk alalôaniņ Anyô Bêņ Yisu tem nepesaņ loņôndê thêthôņ te ek yêlô nasôk nagê môlô.

¹² Ma Anyô Bêņ indum ek môlô lemimimbiņ avômalô êvhaviņ lôk avômalô sapêņ bêņ anôņ êtôm yêlô adum hadêņ môlô.

¹³ Ma yani embatho môlô kapôlômim loņ ek môlô nômô matheaņ ma kambom mi êņjêk

* **3:6:** Ap 18:5 * **3:7:** 2Te 1:4 * **3:11:** 2Te 2:16-17

alalôaniņ Kamik Wapômbêņ ma êndêņ wak atu ba alalôaniņ Anyô Bêņ Yisu endelêm imbiņ anêņ nê mathenņ.

4

Nasopa Wapômbêņ anêņ lahaviņ

¹ Yôv, aiaņ thêlô, yêlô bôk adôņ môlô hathak Wapômbêņ anêņ loņôndê nômô lo nombenņ ek nundum yani lamavi ma lêk osopa yôv. Ma yêlô asoņ môlô lokwaņ hathak Anyô Bêņ Yisu anêņ athêņ nena nosopa loņôndê êņ mathalalenņ.

² Môlô oyala abô takatu ba yêlô bôk aêv hadêņ môlô hathak Anyô Bêņ Yisu anêņ lôklokwaņ yôv.

³ *Êntêk ma Wapômbêņ anêņ lahaviņ nena môlô numbitak mathenņ ba notak sek waliliņ.

⁴ *Yani lahaviņ môlô tomtom noyabiņ unim kupik êtôm Wapômbêņ anêņ ek avômalô lôkthô nebam.

⁵ Miņ thethaņak êmbôv o inaņ nê daluk ami. Thêlô miņ eyala Wapômbêņ ami.

⁶ Ma miņ môlô nosau môlôviyaņ ba nundum sek esak vêņi ami. Yêlô bôk anaņ lôklokwaņ hadêņ môlô yôv nena Wapômbêņ tem nêm vovaņ viyaņ esak nôm takêņ lôkthô.

⁷ *Wapômbêņ miņ halam alalô ek namô lelaik ami. Mi, halam alalô ek namô mathenņ.

⁸ *Aêņ ba ôpatu ba hadô abô êntêk ma hadô Wapômbêņ atu ba hêv anêņ Lovak Mathenņ hadêņ môlô. Ma miņ hadô anyô iyom iniņ abô ami.

* **4:3:** 1Te 5:23; 1Pi 1:16 * **4:4:** 1Ko 6:13 * **4:7:** Hib 12:14; 1Pi 1:15-16 * **4:8:** Luk 10:16; 2Ko 1:22

Alalô leñjimbij avômalô

9 *Wapômbênj bôk hadônj mômô yôv hathak kobom leñjimbij mômôviyanj ba intu yêlô miñ hatôm nato abô esak kobom êñ ami.

10 Mômô bôk udum aênj hadênj mômôviyanj takatu ba êmô malak nenanena anênj plovins Masedonia kapô. Ma doñtom aiyanj thêlô, yêlô asonj mômô lokwanj ek nundum aênj mathalalenj.

11 *Ma nundum ek nômô labalina lôk noyabinj amda unim ku. Ma nundum ku ek nônêm am sa êtôm atu ba yêlô bôk ananj hadênj mômô yôv.

12 Nundum aênj ek miñ nônêm malainj êndênj anyô yanj ek eyabinj mômô ami, lôk nê takatu ba miñ êvhavinj ami tem nêgê mômônim kobom nena mavi anônj.

Waklavônj Yisu endelêm

13 Aiyanj thêlô, yêlô leñjhavinj mômô noyala katô esak malêla takatu ba tem êpôm nê êvhavinj takatu ba bôk ema yôv. Yakô mômô kapôlômim malainj êtôm nê daluk takatu ba miñ êv malenjinj ek nimbiyô esak lonjô ami.

14 *Alalô êvhavinj nena Yisu hama ba haviyô hathak lonjô. Ba intu alalô aêvhavinj nena nê êvhavinj Yisu takatu ba bôk ema yôv ma tem Wapômbênj injik i linj êtôm hik Yisu linj ba nimbiyô esak lonjô ba nêlêm imbij Yisu.

15 *Êntêk ma Anyô Bênj Yisu da anênj abô takatu ba lêk yêlô ananj. Alalô takatu ba amô lôkmala denanj ma Anyô Bênj anênj waklavônj endelêm hayô

* **4:9:** Jon 13:34 * **4:11:** Ep 4:28 * **4:14:** Lom 14:9; 1Ko 15:3-4,12 * **4:15:** 1Ko 15:51-52

ma tem miŋ ana namôŋ ek avômalô takatu ba bôk ema yôv ami.

¹⁶ Mi, Anyô Bêŋ da tem êndôk anêŋ leŋ lôk kaêk ma aŋela bêŋ atu tem endam ma Wapômbêŋ anêŋ lavuak tem niyuv. Êŋ ma ŋê ŋama takatu ba bôk êvhaviŋ Kilisi tem nimbiyô môŋ.

¹⁷ Êŋ ma Wapômbêŋ tem isup alalô takatu ba amô lôkmala denaŋ lôk ŋê ŋama takatu ba êvhaviŋ ek napôm Anyô Bêŋ êndôk buliv. Ma tem namô imbiŋ yani wak nômbêŋ intu sapêŋ.

¹⁸ Aêŋ ba nônem am da thêvô esak abô êntêk.

5

Nôpôpêk am ek Anyô Bêŋ anêŋ endelêm

¹ Aiyaŋ thêlô, yêlô miŋ hatôm nato abô êndêŋ môlô esak wak lo ayôŋ alê intu ba Anyô Bêŋ tem endelêm esak loŋbô ami.

² *Mi. Môlô bôk oyala yôv nena Anyô Bêŋ anêŋ waklavôŋ ma tem êlêm êtôm anyô vani halêm hadêŋ bôlôvôŋ.

³ *Avômalô tem nenaŋ nena, “Alalô lêk amô mavi ma malaiŋ mi.” Êŋ ma kethêŋ oyaŋ ma malaiŋ bêŋ tem imbuliŋ thêlô êtôm vovaŋ hapôm avi lôk lasabeŋ ek embathu. Ba tem miŋ nêsôv ami.

⁴ Ma doŋtom, aiyaŋ thêlô, môlô miŋ ômô momaŋiniŋ ek waklavôŋ êŋ indum môlô noboloba êtôm anyô vani te ami.

⁵ *Mi, alalô sapêŋ ma wak lo deda iniŋ avômena ma miŋ bôlôvôŋ lo momaŋiniŋ iniŋ ami.

* **5:2:** Mat 24:42-43; 2Pi 3:10; ALK 3:3

* **5:3:** Mat 24:39; Luk

21:34-35 * **5:5:** Lom 13:12

⁶ Ba intu napuki loŋ ba namô lêlê ma miŋ nanğêk êtôm avômalô vi ami.

⁷ Ma vi atu ba êk sôm, ma êk hadêŋ bôlôvôŋ. Ma vi atu ba inum waiŋ ba elo molo, ma elo molo hadêŋ bôlôvôŋ.

⁸ *Ma donjom alalô ma wak anêŋ ba intu napuki loŋ. Ma alalôaniŋ aêvhaviŋ lôk leŋiŋhaviŋ tem êtôm moko biŋdaluk. Ma nanêm maleŋ ek waklavôŋ Wapômbêŋ nêm alalô bulubiŋ tem êtôm akôk kulun vovak.

⁹ Wapômbêŋ hatak alalô ek nêm alalô bulubiŋ esak alalôaniŋ Anyô Bêŋ Yisu Kilisi ma miŋ hatak alalô ek naja anêŋ lamaniŋ ami. Mi.

¹⁰ *Yani hama ek alalô ba intu alalô amô lôkmala mena ama ma hatôm amô lôkmala haviŋ yani.

¹¹ Aêŋ ba nônêm amda thêvô lôk nobatho am loŋ êtôm intu othak udum.

Nê êvhaviŋ iniŋ loŋôndê nesopa

¹² Aiyaŋ thêlô, yêlô anaŋ ek môlô nodovak nê takatu ba idum ku bêŋ hathak môlô lôk eyabiŋ môlô hathak Anyô Bêŋ anêŋ ku lôk ik auk mavi thô hadêŋ môlô ek notak kobom kambom.

¹³ Ma lemimimbiŋ i ba nônêm athêŋ bêŋ êndêŋ nê takêŋ esak iniŋ ku. Ma nômô yôhok mavi imbiŋ am.

¹⁴ *Aêŋ ba aiyaŋ thêlô, yêlô asoŋ môlô lokwan ek nonaŋ lôklokwan êndêŋ nê ku mi ek nindum ku lôk nônêm nê takatu ba êkô thêvô ma nônêm nê vau hathak êvhaviŋ sa. Ma nômô maliŋyaô imbiŋ avômalô sapêŋ.

* **5:8:** Ais 59:17; Ep 6:14,17

* **5:10:** Lom 14:8-9; 1Te 4:14

* **5:14:** 2Te 3:6,11

15 *Noyabin am ek wak nômbêḡ intu ma nundum mavi imbin am lôk avômalô sapêḡ. Ma môlô te miḡ injik anyô yaḡ anêḡ kambom liliḡ ami. Mi.

16 *Wak nômbêḡ intu sapêḡ ma lemimmavi.

17 Lôk noten mek ma miḡ notak ami.

18 *Ma nônêm lemimmavi êndêḡ Wapômbêḡ esak malêla takatu ba habitak. Wapômbêḡ anêḡ lahavin nena môlô takatu ba ômô haviḡ Yisu Kilisi nundum aêḡ.

19 *Ma miḡ numiḡ Lovak Mathen anêḡ ku loḡ siḡ ami.

20 Lôk miḡ nôndô abô plopet takatu ba Lovak Mathen hêv hadêḡ môlô ami.

21 *Noyawê nômkama sapêḡ ma nobaloḡ nôm takatu ba mavi loḡ.

22 Ma nobasiḡ am ek kambom lomaloma sapêḡ.

23 *Wapômbêḡ da ma yôhok anêḡ ôdôḡ ba tem indum môlô numbitak mathen anôḡ lôk eyabin unim dahôlômim lôk auk ma kupik dedauḡ mavi ek kambom mi êndêḡ waklavôḡ atu ba alalôaniḡ Anyô Bêḡ Yisu Kilisi endelêm.

24 Ôpatu ba halam môlô hathak hasopa anêḡ abô ba tem indum aêḡ ek abô takêḡ injik anôḡ.

25 *Aiyaḡ thêlô, noten mek ek yêlô.

26 Ma nokam môlôvianḡ esak kobom yôhok mathen.

27 Yahananḡ lôklokwanḡ hathak Anyô Bêḡ anêḡ athêḡ nena nosam kapyâ êntêk êndêḡ môlôvianḡ lôkthô.

* 5:15: Lom 12:17; 1Pi 3:9 * 5:16: Plp 4:4 * 5:18: Ep 5:20

* 5:19: Ep 4:30 * 5:21: 1Jon 4:1 * 5:23: 2Te 3:13 * 5:25:

Kol 4:3; 2Te 3:1

²⁸ Alalôaniŋ Anyô Bêŋ Yisu Kilisi anêŋ wapôm êmô imbiŋ môlô sapêŋ.

Wapômbêŋ Anêŋ Abô Mathen
The New Testament in the Malei-Hote Language of
Papua New Guinea
Nupela Testamen long tokples Maei-Hote long Niugini
copyright © 2010 Wycliffe Bible Translators, Inc. and The Malê people

Language: Hotê-Malê (Malei-Hote)

Translation by: Wycliffe Bible Translators

Contributor: The Malê people

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

PDF generated using Haiola and XeLaTeX on 18 Apr 2025 from source files dated 31 Aug 2023

c8e90bc3-6cab-57b1-9a48-04f5f30fe59a